

民國七年重輯

劉氏總族譜

## 劉氏總族譜重印序

人本乎祖，水本乎源，溯我劉氏，祖肇唐堯，源流久遠，派演天潢，聖君賢哲，繼繼承承，降至今日，四千三百有餘歲矣，億萬宗人，曾常識其身所自來，而興無窮之思者乎。

劉氏總族譜，纂輯於唐天復二年（公元九百〇二年）中經宋元豐二年（公元一〇七九年）重修，繼而於中華民國七年（公元一九一八年）重輯，物換星移，今之所存者幾希矣，伯驥宗長，遠從美國以孤本見貽，本支百世，條分類析，敬宗收族，綱紀倫常，爲吾族之重要文獻，爰就原版本攝影付印，以廣流傳，垂諸後世，恭繪兩漢二十四帝眞像冠篇首，用志景仰，傳誦先芬，魯論有曰，慎終追遠，民德歸厚矣，是爲序。

香港劉氏宗親總會謹識

中華民國五十六年丁未歲八月

西漢高帝像



沛豐瑞偉  
神武之姿  
龍顏美岸  
仁頌於時  
帝長湖上  
志遠嶺峙  
白蛇斬却  
赤傑驅馳  
善任賢良  
滅楚開基  
協於大德  
天統其儀

三世公西漢高皇帝諱邦季 宿願初  
公之三子也生于秦莊襄王甲寅三年三  
月戊辰日崩于即位後丙午十二年四月  
甲辰日享壽六十有三歲葬于長陵在西  
安府咸陽縣東在皇帝位乙未至丙午凡  
十二年

西漢孝惠帝像



親親州倚  
掌相外禮  
廷遜四略  
受讓常精  
足敬友篤  
明直學惠  
叔孫之誅  
耀然而歎  
相國之對  
心賦以理  
實仁之性  
漢德初啓

四世公西漢孝惠皇帝諱盈 趙高皇帝  
之太子實次子也生于秦始皇庚寅三十  
六年正月乙卯日崩于即位後癸丑七年  
八月戊寅日享壽二十有四歲葬于安陵  
在長安北三十五里在位丁未至癸丑凡  
七年

西漢太宗孝文皇帝像



仁孝至性  
親嘗湯藥  
禮讓天下  
恭勤而約  
成風教化  
舉賢興學  
鑿千里乘  
肉刑除郢  
趙化總懷  
匈奴誅削  
海內殷富  
民生安樂

四世公西漢太宗孝文皇帝諡恒 迺高  
皇帝之四子也生于高皇帝己亥五年正  
月丁卯日崩于即位後甲申後七年六月  
己亥日享壽四十有六歲葬于霸陵在長  
安東南在位壬戌至甲申凡二十三年

西漢孝景皇帝像



廣智博仁  
天下豐登  
任刑立夫  
內外肅欽  
行所直道  
民以遠心  
孫徐煥奇  
若天沛霖  
易俗移風  
成周不荒  
美饒成康  
史記如金

五世公西漢孝景皇帝諡啓 迺孝文帝  
之六子也生于孝惠帝癸丑七年二月丙  
申日崩于即位後庚子後三年正月甲子  
日享壽四十有八歲葬於陽陵在長安東  
北四十五里在位乙酉至庚子凡十六年

西漢世宗孝武帝像



赤龍兆降  
嘉瑞日先  
雅尚儒術  
設立明堂  
以制詩侯  
以昭正朔  
還封泰山  
大經表章  
俊茂成崇  
禮樂同敷  
雄才大略  
文武兼揚

高祖體中世宗  
為社稷事此永空  
無非漢世宗書

六世公西漢世宗孝武帝諡徹 廼孝  
景帝之太子實四子也生于孝文帝甲申  
後七年正月癸巳日崩于即位後元甲午  
二年正月丁卯日享壽七十一歲葬於茂  
陵在長安西北八十里在位辛丑至甲午  
凡五十四年

西漢孝昭帝像



杜大多智  
霍光輔政  
知時務要  
賦薄搖輕  
匈奴和親  
節操不與  
舉賢與良  
民頌同聲  
照徹權酷  
產賸而升  
尊視曰昭  
萬載賢名

高祖體中世宗  
為社稷事此永空  
無非漢世宗書

七世公西漢孝昭皇帝諡弗陵 廼孝武  
帝之太子實六子也生于太始丁亥三年  
二月丁丑日崩于即位後元平丁未元年  
四月癸未日享壽二十有一歲葬于平陵  
在長安西北七十里在位乙未至丁未凡  
十三年

西漢中宗孝宣帝像



高材好學  
民隱備知  
良吏充威  
厲精而治  
麟閣畫功  
石渠經史  
尚書博士  
咸通而止  
單于未朝  
西域蕃義  
信實必罰  
委代如子

九世公西漢中宗孝宣皇帝諱詢幼諱病  
已字次卿號曾孫 始史皇孫之子也生  
于太始乙酉元年三月乙卯日崩于即位  
後黃龍壬申年十二月甲戌日享壽四  
十有八歲葬于杜陵在長安南五十里在  
位戊申至壬申凡二十五年

西漢元帝孝元帝像



聲鼓特律  
嚴聲中節  
材藝史書  
曲叫琴瑟  
徵用儒生  
廣延俊傑  
號令溫雅  
有古風烈  
寬私愛衆  
恭儉以切  
尚德懷仁  
結歌不報

十世公西漢孝元皇帝諱爽 迺孝宣帝  
之太子也生于元鳳丙午六年七月丙午  
日崩于即位後竟寧戊子元年五月壬辰  
日享壽四十有三歲葬于渭陵在長安北  
五十六里在位癸酉至戊子凡十六年

西漢孝成帝像



雅好文章  
寬博謹慎  
孝直言士  
啟策對問  
勅授任事  
貴和明隱  
臨朝淵默  
尊嚴垂訓  
穆穆之容  
聖主以區  
典則萬世  
弘揚淳運

西漢孝哀帝像



從登受承  
親履踵鳴  
天聽及感  
幻覺奇形  
文辭博敏  
幼有令名  
志興玉室  
咸實厚清  
不事聲色  
覽閔刀兵  
壽算無德  
哀哉此故

西漢孝哀帝  
南宮先生  
中華民國二十九年

十一世公西漢孝成皇帝諱懿字太孫  
 聖孝元帝之太子也生于甘露己巳二年  
 六月己未日崩于即位後綏和甲寅二年  
 三月丙戌日享壽四十有六歲葬于延陵  
 在扶風去長安六十二里在位己丑至甲  
 寅凡二十六年

十二世公西漢孝哀皇帝諱欣 聖孝成  
 帝之太子實定陶王康公之子也生于河  
 平丙申四年三月壬申日崩于即位後元  
 壽庚申二年六月戊午日享壽二十有五  
 歲葬于義陵在扶風去長安四十六里在  
 位乙卯至庚申凡六年

西漢孝平帝像



孝平仁厚  
踐阼冲齡  
上佐重閔  
訓政宮廷  
漢汗大統  
厥德親親  
游於戚鄰  
珥珥作飾  
細紀既移  
受制無形  
痛前淑涸  
鼎運遠傾

西漢孝平帝  
前漢紀本紀卷之  
四十四

西漢孺子帝像



元始甲子  
廣成之終  
平不二氣  
建初守平  
太后臨政  
安廢權柄  
進恭讓明  
位重勢威  
謙以傾  
又始甲申  
於未不武

西漢孺子帝  
前漢紀本紀卷之  
四十五

十二世公西漢孝平皇帝字行初諱箕子  
孝成帝之嗣子實中山王與公之子也  
生于元延壬子四年二月壬辰日崩于即  
位後元始乙丑五年十二月丙午日享壽  
十有四歲葬于康陵在長安北六十里在  
位辛酉至乙丑凡五年

十三世公西漢孺子皇帝諱嬰 廼嗣焉  
孝平帝太子實廣成侯顯公之長子也生  
于元始甲子四年八月庚子日崩于更始  
甲申二年五月癸未日享壽二十有一歲  
在位丙寅至戊辰凡三年



東漢世祖光武帝像



炎正中微  
道亂揭冕  
光武誕命  
靈龍自甄  
沈機先物  
深畧諱文  
長假雷部  
高鋒慧雲  
遞行天討  
新都自焚  
中興漢祚  
盡將銘勳

東漢顯宗孝明帝像



劉宗不承  
業業魏統  
危心若信  
政宗嘉勝  
備章射物  
省簿竹陵  
永懷厥典  
下士遵道  
聲臺觀崇  
臨雍科七  
繼推帝統  
增光文考

十一世公東漢世祖光武皇帝諱秀字文叔 廼南頓令欽公之三子也生于建平乙卯元年十二月甲子日子時崩于即位後中元丁巳二年二月戊戌日享壽六十有二歲葬于原陵去洛陽十五里在位乙酉至丁巳凡三十三年

十二世公東漢顯宗孝明帝諱莊初諱陽 廼光武帝之太子賈四子也生于建武戊子四年三月己酉日崩于即位後永平乙亥十八年八月壬子日享壽四十有八歲葬于顯節陵西北去洛陽三十七里在位戊午至乙亥凡十八年

東漢肅宗孝章帝像



肅宗濟濟  
天性愷悌  
於穆后德  
諒惟淵體  
左后藝文  
斟酌律禮  
思服帝道  
弘此長慈  
儒館獻歌  
戎亭虛候  
氣調時臻  
惠平人富

東漢孝和帝像



孝和樂道  
思義明貴  
北撫匈奴  
華于受冊  
任用班超  
平戎育策  
恤民養士  
率由前則  
王赫自中  
賜命強恩  
抑沒祥符  
登顯時德

百濟王  
高麗王  
中平六年二月廿五日

十三世公東漢肅宗孝章皇帝諱炟 姓

孝明帝之太子質五子也生于中元丁巳

二年二月丁巳日薨于即位後章和戊子

二年正月壬辰日享壽三十有三歲葬于

敬陵在洛陽城東南三十九里在位丙子

至戊子凡十三年

十四世公東漢孝和皇帝諱肇 趙孝章

帝之太子質四子也生于建初己卯四年

二月癸亥日薨于即位後元興乙巳元年

十二月辛未日享壽二十有七歲葬于顯

陵在洛陽東南三十里在位己丑至乙巳

凡十七年

東漢孝殤帝像



元興乙巳  
遷居東宮  
太后攝權  
移居禁中  
帝誠補位  
活發其容  
天與何壽  
不角春臨  
二載在位  
年身均同  
延平丙午  
造欽神龍

十五世公東漢孝殤皇帝諱隆 廼孝和  
帝之次子也生于元興乙巳元年八月癸  
卯日崩于即位後延平丙午元年八月辛  
亥日享壽二歲葬于康陵在愼陵豎中庚  
地延平丙午在位一年

東漢孝安帝像



神光照耀  
運應赤蛇  
好學敏慧  
帝室成嘉  
及位至尊  
居服無華  
政道克念  
德教邇遊  
恭己奉天  
壽若雲霞  
承先啟後  
奕禩無涯

十五世公東漢孝安皇帝諱祜 廼孝和  
帝之嗣子實清河王慶之子也生于永元  
甲午六年七月庚子日崩于即位後延光  
乙丑四年三月丁卯日享壽三十有二歲  
葬于恭陵在洛州東北二十七里在位丁  
未至乙丑凡十九年

東漢孝順帝像



初任太子  
構偏難防  
德性仁孝  
作濟陰王  
天警梓宮  
悲沈傍徨  
羣僚無計  
痛立北鄉  
北鄉許薄  
十九侯匡  
誅邪去佞  
國以重光

漢書卷八十五  
孝順本紀第五十五  
帝本紀第五十五

十六世公東漢孝順皇帝諱保 廼孝安  
帝之子也生于元初丙辰二年十一月甲  
午日崩于即位後建康甲申元年八月庚  
午日享壽三十歲葬于憲陵在洛陽西十  
五里在位丙寅至甲申凡十九年

東漢孝沖帝像



漢室發末  
天降罕馨  
推盤踐位  
水德啟平  
太后為政  
李固展明  
黃門宦者  
斥逐而消  
天下仰望  
國治邦榮  
何林三載  
痛惜懷陵

漢書卷八十五  
孝沖本紀第五十五  
帝本紀第五十五

十七世公東漢孝沖皇帝諱炳 廼孝順  
帝之子也生于漢安癸未二年九月丁亥  
日崩于即位後永嘉乙酉元年正月戊戌  
日享壽三歲葬于懷陵在洛陽西北十五  
里永嘉乙酉在位一年

東漢孝質帝像



永和戊寅  
龍降於庭  
顯慈天資  
年始八齡  
正位之始  
旨諭英明  
梁冀跋扈  
朝會言微  
逆臣不道  
委餅堪驚  
本初丙戌  
疏愴靜陵

十七世公東漢孝質皇帝諱續 廼渤海  
王鴻公之子也生于永和戊寅三年正月  
甲子日崩于即位後本初丙戌元年閏六  
月甲申日享壽九歲葬于靜陵在洛陽東  
南三十里本初丙戌在位一年

東漢孝桓帝像



顯嫺音律  
雅愛黃鐘  
絲籥芳林  
考湛龍宮  
設施華蓋  
佛老供崇  
誅伐逆臣  
五侯同封  
宦官始拜  
漸去賢忠  
壯歲日斜  
太息潛龍

十六世公東漢孝桓皇帝諱志 廼蠡吾  
侯翼公之子也生于陽嘉壬申元年八月  
庚子日崩于即位後永康丁未元年十二  
月丁丑日享壽三十有六歲葬于宣陵在  
洛陽東南三十里在位丁未至丁未凡二  
十一年

東漢孝靈帝像



大智常德  
明遠達情  
正文體字  
詔制石經  
諭開四邸  
模寫千乘  
黃巾禍起  
撤佈公卿  
諸侯討賊  
字內救平  
徒惜宦豎  
漢室維寧

漢靈帝字志平  
中平六年四月丙辰日  
享壽三十

十七世公東漢孝靈皇帝諱宏 廼孝桓  
帝之嗣子實解讀亭侯長公之子也生  
于永壽丁酉三年八月庚午日崩于即位  
後中平己巳六年四月丙辰日享壽三十  
有四歲葬于父陵在洛陽西北三十里戊  
申至己巳在位二十二年

東漢孝獻帝像



生而應日  
睿智文通  
少經宦劫  
友受弘贊  
董卓懷逆  
刺野環凶  
曹賊竊權  
劉操群雄  
詔頒衣帶  
誅後難功  
曹丕篡逆  
蜀漢興隆

漢獻帝字建興  
中平六年四月丙辰日  
享壽三十

十八世公東漢孝獻皇帝諱協 廼孝靈  
帝之子也生于光和辛酉四年六月戊子  
日崩于魏青龍甲寅二年三月庚寅日享  
壽五十有四歲葬于禪陵在濁鹿城西北  
十里在位庚午至庚子凡三十一年



重輯劉氏族譜序

玄黃剖判。人懷搏土之功。衆庶馮生。世守居方之治。然罔形成太素。祇存榛榛狉狉之風。運會嬗義。皇漸泯渾渾噩噩之俗。爰得姓而受氏。乃厚別以明倫。是故任宿須句。溯淵源於太皞。滕葳僖姑。衍統緒於軒轅。使書不傳之其人。典必數而忘祖。所以事詳五世。高諒之親表獨存。服叙百人。蘇洵之譜亭不朽也。我族肇自陶唐。盛於炎漢。銀潢洋溢。玉牒輝煌。華封頌祝。本多男。雲祊勿替。高帝子孫。盡隆準。風采常新。五六朝皇帝。嘯興迄今日。而猶知其貴。千百輩王侯。林立經見。慣而渾覺其闕。則試恭述前賢。敬告後世。彼夫巍蕩表日雲之象。業繼高辛。雌雄擾河漢之龍。氏嘉孔甲。善稱羊舌。爲太傅而盜盡奔鄰。績佐馬。際將上軍而名妨代帥。白帝應蛇亡之兆。人收沛邑三千。赤符協龍鬪之謠。將得雲臺廿八。三讓咸知恭儉。腹驗蒼龍。六經特賴表章。夢徵赤堊。爲善最樂。十圍之腰腹無慚。大雅不羣。千里之詩書悉萃。眞誠昭醴酒。元王亦有次詩。祕術闡神仙。淮南別成一子。而且治漢家者。制參王霸。僵柳呈祥。帝巴蜀者。公著君臣。高柔應瑞。靈通星宿。攷古識貳負之臣。功在春秋。移書讓太常之士。郎官上應列宿。請拒館陶。臣子無貶至尊。例除光武。哭廟絕命。殺妻孥者。凜凜如生。聞樂傷心。痛骨肉者。津津動聽。奏議成白虎。竟能會士講經。舟船

負黑龍。不惜重儒勤政。伐荻著叱蛇之怪。耒耜可鑒子孫。打穀弭牧馬之傷。木拐特驚胡虜。凡此立德立功立言之輩。無非爲道爲法爲則之經。又况女範堪欽。更屬人寰罕見。試觀幸辭同輦。紈扇寫憂。德冠後宮。練裙著儉。翦髮順老人之意。蛾眉不愧諸生。挺身免御坐之災。熊檻足徵烈女。河間望氣。傷心憶堯母之門。江上招魂。灑淚弔梟姬之廟。痛弘農兮將盡。對酖而歌舞堪憐。際新室兮方摧。赴火亦殉亡可憫。天不祚爾。璽投軒下以罵兒。澤未及民。財出宮中而賞士。閭儀無玷。永傳彤管之休。家乘有光。大壯金刀之色。然而探數朝之掌故。豈極大觀。聚百代於目前。乃非小補。用是遠追鼻祖。權輿混沌之開天。彙述耳孫。條縷本支之分派。凡所以光寵宗族。饜飮見聞也。顧或者謂。道揚祖宗。言必歸正。紀載昭穆。辭不須繁。而乃名作干支。歲逾億萬。子生鬻馬。怪傳三身之民。人號天禽。妄溯九頭之主。蚩尤冒血。鹽可成池。精衛化魂。石能填海。六萬歲神。菴舉首。浪息方壺。二三尺女。魃降身。雨停中冀。橫廣粟之道。蝸化腸而爲神。鑄首山之銅。龍垂髯而迎帝。况夫煉女媧之頑石。何能上補九天。彎后羿之強弓。誰信高穿十日。功垂西蜀。五丁之椎鑿無存。跡匿南山。二酉之圖書安在。凡屬龍書蜚紀。無非牛鬼蛇神。載筆者似近於誕。聽言者適滋其惑。不知羊腓燕卵。事紀毛詩。蛇鬪鷓飛。怪傳左氏。惟寡聞而罕見。乃詭異而驚奇。是以說



采麟經事沿馬史博訪而經窮山海冥搜則鑑攷神仙故論其迹似無殊於子長之好奇而究其實則不同於黃州之說鬼齡也命傷磨蝸業守雕蟲鬚未蕭蕭已若子綦稿木言同艾艾難方味道模稜鶻馱爭鳴過三閭者有術驪黃莫辨作九方者何人雖干寶之神能搜而韓愈之鬼莫送遂使卅年老母孩兒終至倒紉萬里大鵬斥鷃競相竊笑緬遠祖近宗之謨烈每覺汗流對一本九族之英豪自慚形穢蠅常鑽紙已甘伏處蝸廬羊竟觸藩浪說高懸馬帳因而深宮討論夜分而光武無疲文室研求病甚而維摩強起當記動記言之史足則能徵發有聞有見之心述而不作所願魯魚代正大揮匠石之斤庶幾遼豕無慚免覆士衡之甑

皆

黃帝紀元四千六百一十六年歲次戊午清宣統己酉科拔貢生裔孫彭齡謹撰